



Vararíkissaksóknari áminntur vegna ósæmilegra ummæla

⌚ 26.08.2022 - 18:25

Dóms- og löggreglumál · Innlent · helgi magnús gunnarsson · Ríkissaksóknari · sigriður friðjónsdóttir · vararíkissaksóknari



Mynd: Grímur Jón Sigurðsson - RÚV

Ríkissaksóknari veitti í gær Helga Magnúsi Gunnarssyni vararíkissaksóknara formlega áminningu vegna ummæla á samfélagsmiðlum sem vörðuðu meðal annars hælisleitendur og homma. Þetta staðfestir Sigriður Friðjónsdóttir ríkissaksóknari.

Mbl greindi fyrst frá. Sigriður segir í skriflegu svari til fréttastofu að áminningin hafi verið veitt á grundvelli laga um réttindi og skyldur opinberra starfsmanna og reist á því að háttsemi vararíkissaksóknara hafi verið ósæmileg og ósamrýmanleg starfi hans. Sú háttsemi hafi varpað rýrð á störf hans og á embættið.

Í svarinu segir að áréttu beri að áminningin varði einungis háttsemi vararíkissaksóknara utan starfs en ekki störf hans sem engar athugasemdir hafi verið gerðar við.

Ummælin

Ummælin sem áminnt er vegna féllu á samfélagsmiðlinum facebook í júlí á þessu ári. Þar deildi Helgi Magnús frétt um dóm sem snéri að málsmæðferð umsækjenda um alþjóðlega vernd sem sækja um hæli á grundvelli kynhneigðar. Með deilingunni skrifaði Helgi Magnús „Auðvitað ljúga þeir. Flestir koma í von um meiri pening og betra líf. Hver lýgur sér ekki til bjargar? Þar fyrir utan, er einhver skortur á hommum á Íslandi?“ Þessi ummæli vöktu mikla athygli og Samtökin 78 kærðu þau til lögreglunnar.



ÁSTA HLÍN
MAGNUÐÓTTIR

[Senda skilaboð](#)



TENGDAR FRÉTTIR



Vafasöm hegðun vararíkissaksóknara



Kæra ummæli vararíkissaksóknara til löggreglu